
Ordinaziun

dalla cuminonza da pastoražiun da Luven, Flond, Pitasch, Duvin,
sebasond sin art. 5 dalla constituziun dalla baselgia
ed art. 6 dall'ordinaziun davart la construcziun e la veta dalla pleiv,
decretada dallas radunonzas dallas pleivs
ils[fenadur 2014].....

Art. 1

Per ademplier lur incumbensas semettan las pleivs evangelicas-reformadas da Luven Flond, Pitasch e Duvin ensemmen en ina cuminonza da pastoražiun, che engascha in ni dus plevons resp. ina ni duas plevonessas ed eventualmein auters collavuratur ecclesiastics.

Intent

Art. 2

Las pleivs dalla cuminonza da pastoražiun mantegnan lur independenza finanziaria ed organisatoria.

**Independenza
da mintga pleiv**

Art. 3

La suprastonza dalla cuminonza da pastoražiun ei igl organ executiv, che secumpona da mintgamai in delegau resp. ina delegada da mintga pleiv.

**La supraston-
za dalla pasto-
raziun**

La suprastonza dalla cuminonza da pastoražiun seconstituescha sesezza.

En cass da paritad da vuschs pren il president resp. la presidenta la decisiun da tagl.

Ella ei habla da decider, sche silmeins treis commembers ein presents.

Pil solit prendan ils plevons resp. las plevonessas part alla sesida cun vusch consultativa.

Art. 4

La suprastonza da pastoražiun ha las suandontas incumbensas:

**Incumbensas
dalla su-
prastonza da
pastoražiun**

Seite 1

1. Elavuraziun dall'ordinaziun dalla cuminonza da pastoraziun, dil carnet dallas obligaziuns ed ulteriuras convegnoientschas denter las pleivs dalla cuminonza da pastoraziun per mauns dallas radunonzas dallas pleivs;
2. Preparaziun d'ina proposta communabla d'elecziuns da plevons resp. da plevonessas per mauns dallas radunonzas dallas pleivs;
3. Preparaziun da proposiziuns per mauns dallas radunonzas dallas pleivs;
4. Elecziun eventuala da collavuratur ecclesiastics resp. collavoratur ecclesiasticas (p.e. catechet resp. catecheta);
5. Repartiziun dallas expensas dalla cuminonza da pastoraziun;
6. Tractar tut las caussas pertucond la cuminonza da pastoraziun.

Art. 5

**Elecziuns dils
plevons resp.
dallas
plevonessas**

L'elecziun ha liug en mintga pleiv per sezza e sche pusseivel il medem gi ni in dils gis suandonts. Sch'ei dat en ina pleiv buc il pli dallas vuschs per ina persuna proponada, ei l'elecziun buc reussida, ed igl ei da far ina nova proposta.

Per l'elecziun da plirs plevons resp. pliras plevonessas drova ei pliras votaziuns.

Art. 6

**Relaschada
d'in plevon
resp. d'ina
plevonessa**

Sche in quart dils votants dad ina pleiv inoltrescha il postulat che la relaziun contractuala d'in plevon resp. d'ina plevonessa seigi da slijar, ni sche ina radunonza dalla pleiv declarescha quei postulat sco relevants, ni sche ina dallas suprastonzas dallas pleivs acceptescha quei postulat, sto la suprastonza dalla cuminonza dalla pastoraziun preparar ina proposta per mauns dallas pleivs.

La votaziun ha liug en mintga pleiv sezza e sche pusseivel il medem gi ni in dils gis suandonts. Sche ina pleiv se decida da relaschar in plevon resp. ina plevonessa, vala quella decisiun era per las outras pleivs ed il contract da lavur cun il plevon resp. la plevonessa ei da visar.

Art. 7

Ille plevon resp. la plevonessa surprandan tut las funcziuns uffizialas ellas pleivs dalla cuminonza da pastoražiun. L'obligaziun d'instrucziun dils plevons resp. dallas plevonessas inclusiv l'instrucziun dils preparands e dils confirmands sedrizza tenor l'obligaziun d'instrucziun, ch'il cussegl dalla baselgia reparta alla cuminonza da pastoražiun. Las incumbensas d'il plevon resp. dalla plevonessa ein da rugalar en in carnet d'incumbensas. Las uras dils survetschs divins ellas pleivs ein da rugalar en ina cunvegnyentscha speziala.

**Incumbensas
dils plevons
resp. dallas
plevonessas**

Art. 8

Ille plevon resp. la plevonessa stuessen secasar en ina dallas quater pleivs dalla cuminonza da pastoražiun. A Luven stat ina casa pervenda a disposiziun.

**Domizil dils
plevons resp.
dallas
plevonessas**

La pleiv, nua ch'il plevon resp. la plevonessa stat, metta a disposiziun la casa pervenda per las cundiziuns che ein determinadas ell'ordinaziun da salarisaziun.

Art. 9

Il cassier incumbensau resp. la cassiera incumbensada dallas quater pleivs paga ora mintga meins il salari al plevon resp. alla plevonessa ed als ulteriurs collavuratur ecclesiastics communabels tenor l'ordinaziun da salarisaziun.

Salarisaziun

Art. 10

Ille cuosts dalla cuminonza dalla pastoražiun secumponen da:

- a) salari fundamental dils plevons resp. dallas plevonessas;
- b) eventualmein supplement da famiglia;
- c) indemnisaziun dallas spesas;
- d) cuosts per suppleants;

**Cuosts impu-
tabels**

- e) salari per ulteriurs collavoraturs ecclesiastics;
inclusiv lavur supplementara dil cassier incumbensau communabel;
- f) premias d'assicuranza;
- g) expensas per occurenzas communablas;

Art. 11

Repartiziun dils cuosts

Ils cuosts dalla cuminonza da pastoraziun vegnan ad esser reparti sco suonda:

Pleiv da	Luven	35 %
Pleiv da	Flond	35 %
Pleiv da	Pitasch	10 %
Pleiv da	Duvin	20 %

Quella repartiziun sebase sin il diember dils commembers dallas pleivs da contract. Supponau ei, che l'instrucziun da religiun vegni surprida dils plevons resp. dallas plevonessas.

Vess engaschau in catechet resp. ina catecheta mo d'ina pleiv, drova ei ina adattaziun.

Las pleivs da contract pagan per trimester al cassier incumbensau resp. alla cassiera incumbensada in pagament aquen sebasond sin il quen dil davos onn.

Art. 12

Modificaziun dall'ordinaziun da pastoraziun, sligaziun dalla cuminonza da pastoraziun

Sche in quart dallas personas d'ina pleiv cun dretg da vuschar inoltrescha il postulat che igl uorden da pastoraziun seigi da modificar u da slijar, ni sche ina radunonza dalla pleiv declarescha quei postulat sco relevants, ni sche ina dallas suprastonzas dallas pleivs acceptescha quei postulat, sto la suprastonza dalla cuminonza dalla pastoraziun preparar ina proposta per mauns dallas pleivs.

Modificaziuns dall'ordinaziun ston esser acceptadas en mintga pleiv. Sche ina pleiv decida da sortir dalla cuminonza da pastoraziun, ei quella da slijar da cheu en in onn. En quei temps presenta la suprastonza dalla

cuminonza da pastoraziun allas radunonzas dallas pleivs ina proposta per ina nova regulaziun dallas circumstanzas.

Art. 13

Suenter che las radunonzas dallas pleivs da Luven, Flond, Pitasch e Duvin, il colloqui Sur igl uaul ed il Cussegl da baselgia evangelic dil cantun Grischun han approbau quell'ordinanziun, entra ella ilsen vigur
Ella remplazza las cunvegrientschas anteriuras davart igl engaschament da plevons e da plevonessas.

**Entrada en
vigur**

